

PILOTA

Iriondo eta Gorostiagak irabazi dute Carlos III pala txapelketako finala

Partidu borrokatuan 45-34 gaintitu zituzten Ziskar II eta Torre Deportivon


Jabi Iriondo eta Tito Gorostiagak 45-34 irabazi zieten atzo Ziskar II eta Jon Torreri Carlos III pala txapelketako finalean. Norgehiagoka nahiko borrokatua izan zen, batez ere hasieran. Iriondo aurrelaria izan zen Deportivo jokatu zen finaleko jokalaririk aipagarriena.

RAMON BASALDUA / BILBO

Parekatua izan zen finala, batez ere hasieran; izan ere, zazpi berdinketa izan baitziren zazpi garren tantora arte. 7-7 orekatik aurrera lau tanto eskuratu zituzten Izurtzako aurrelariak eta Ezkurako atzelariak, batez ere Iriondok aurreko koadroetan erakutsitako nagusitasunari esker.

Ziskar II sakatzaile trebea bada ere, atzo ez zen oso fin ibili hasierako jokaldiarekin. Norgehiagoka aurrera joan ahala argi eta garbi geratu zen Iriondo eta Gorostiaga bikotea euren aurkariak baino gehiago zirela peloteoan. Honenbestez 19-11 eta 21-13 jarri ziren partiduko markagailuan.

Partidua 24-19 zegoela Tito Gorostiagak jotako palakada batean pilotak bere aurrelariaren bizkarrean jo zuen. Iriondok aldagelatarako bidea hartu behar izan zuen baina minutu batzuk beranduago itzuli egin zen kan txara. Hortik aurrera, kolpeak



Iriondok lau tanto egin zituen sakez.

XOUSE SIMAL

✓ Ziskar II.ak gogo handiz ekin zion Carlos III txapelketa honetako finalari eta partidu hasieran ederto aritu zen.

eraginda edo, Izurtzako mutila ez zen oso fin ibili eta Ziskar eta Torre tanto bakar batera jarri ziren, 27-26 hain zuzen. Mungiako

aurrelariak arriskatu egin zuen hurrengo sakearekin baina Iriondok erantzun ezin hobea eman zion. Hogeitazazpinako

berdinketa izan zitekeenatik 31-26ra pasa ziren gorriak, batez ere Jon Torre atzelariak eginiko okerre esker.

Urdinen erreakzioak porrot egin ondoren, Iriondo eta Gorostiagak eutsi egin zioten markagailuan zuten aldeari. Gainera, ordura arte Gorostiagari jokoan sartzeko aukera gutxi eman zion Iriondo beste era batera jokatzeko hasi zen, hau da, bereak ziren pilotetara sartuz eta gainerakoak atzelariari utziz. Taktika aldaketak honek bere fruituak eman zituen, izan ere Tito Gorostiagak pilotak izugarriak jo baitzituen. Hoietariko batekin 40. tanto eskuratu zuten gorriek Bilboko Deportivo frontoian bildu ziren zaletuen txalo artean. Hasieran espero bezala, Iriondo eta Gorostiagaren sendotasunak erabaki zuen partidua.

Ziskar II.ak gogo handiz ekin zion Carlos III txapelketa honetako finalari eta partidu hasieran ederto aritu zen. Hortik aurrera orde, ezinean aritu zen bera baino gehiago izan zen Jabi Iriondoren aurrean. Izurtzako aurrelaria izan zen partiduko protagonista nagusia. Pilota nahiko galdu bazuen ere, tanto gehienak berak egin zituen. Torrek ohi baino oker gehiago egin zuen eta Gorostiagak ondo lagundu zion Iriondori.

Guztira, Iriondok lau tanto egin zituen sakez, faltarik egin gabe. Ziskarrek sakez hiru tanto eta lau falta. Oso tanto gutxi, beraz, atzo sakez egindakoak Deportivo.

**Elgorriagak
Granollers
aurka berriz joko
ona egin nahi du**

DONOSTIA

Gaur eguerdian Elgorriaga Bidasoak, Granollers taldea izango du aurreko. Konfidantza eta joku eskasean murgilduta dabilen talde irundarrarentzat partidu garrantzitsua izango da gaurkoa. Izan ere, lehengo astean Conquense taldearen aurka jokaturako partiduan, Juantxo Villareal-ek zuzentzen duen taldeak bizi duen momentu zaila, argitara ateratu zen. 15-12ko emaitza lortu zuten irundarrek, baina Artalekun bildutako zaleen txistu eta kexuak entzun behar izan zituzten hala ere.

Aste honetan zehar egindako adierazpenetan Juantxo Villareal-ek onartu du, larunbatean entzun behar izan zituzten txistuak ondo mereziak zituztela, joku makala egin baitzuten oso. Hala ere, egoera hobetzeko konponbide onena denborak ekarriko zuela esan zuen Villareal-ek, eta zaleei egoera hau aurrera eramaten laguntzeko eskatu zien.

Maila hori hobetzeko ahaleginak egin beharko ditu beraz gaur talde txokolateroak. Horretarako, gaur bidasotarren kamisetan soinean dutela ariko dira lehengo astean jokatu ezin izan zuten Perunicic eta Kisselev, lehen lerrorako deitu baititu entrenatzaileak De la Haza, Marin eta Ordoñez-ekin batera.

**San Antoniok eta
UPVk galdu egin
zuten etxean**

IRUÑA

San Antonio eta UPV eskubaloit taldeek galdu egin zituzten atzo etxean jokaturako bi neurketak. Iruindarrek oso lan gogorra zeukaten egiteko, Barcelona talde indartsuaren bisita jaso baitzuten beren pabilioian, eta azkenean punturik gabe gelditu ziren (15-29). UPVk ere amore eman eta Cadaguaren aurka galdu zuen etxean (27-40), partidu kaskarra egin ondoren. Gauzak horrela, Bizkaiko taldea sailkapeneko zulo beltzean sartu da, orain arte jokaturako sei partiduko galdu baititu errenkan.

Frontoi motzeko



Pilota Mundiala

Telleriaren amaiera erabakigarria

E. ELIZONDO / IRUÑA

Espainiako selekzioak irabazi zuen Munduko Kopako eskuz binakako finala, Frantziakori 22-20 nagusitu ondoren. Telleria aurrelariaren amaiera erabakigarria izan zen, azken hiru tantuetan parte hartze garrantzitsua izan zuelako, bi sakez eginez, eta beste bat, neurketako azkena hain zuzen, dejada polit batez.

Partiduak berez arratsaldeko bigarren finala izan behar zuen, baina azkenean egitaraua aldatu egin zen, pala motzekoa eskuz binakakoaren ondoren jokatu zela. Eskuz binakakoan, Espainiatik Telleria-Apeztegia aritu

ziren, eta Frantziatik, berriz, Berra-Eyheraburu. Bikote honek oso ongi ekin zion neurketari, 0-4 aurreratuz. Gero, baina, gauzak parekatu egin ziren, Espainiako selekzioak launa berdinduz. Abantaila ere hartu zuten Telleria eta Apeztegiak: 16-10. Baina Berra ongi ari zen jokatzen, eta berari esker berriz ere gauzak pare-parean, 18-18 ere egon zirela une batez. Ondoren go bi tantuak Iparraldeko kideek egin zituzten, eta bazirudien euren zuzen izango zela garaipena, baina orduantxe iritsi zen Telleriaren arratsaldeko jokorik aipagarriena, 19-20a iritsi eta gero, 20. eta 21. tantuak sakez eginez

zituelako, eta 22. dejada ederrez.

Finala bizi-bizia izan zen, eta jendeak ongi pasatu zuen. Iparraldeko jende anitz hildu zen Iruñeko frontoian. Hasiera-hasieratik izan ziren ohiauak eta animoak, batez ere amaiera aldera.

**GAUR
BESTE
BI FINAL**

Bi final besterik ez dira falta Labriten aste honetan lehiatu den Munduko I. Kopa Txapelketa amaitzeko. Gaur jokaturako dira biak, eta frontoi motzeko pilotaren festa amaituko da.

Eskuz banaka eta paleta larrazko finalak jokaturako dira gaur, eta bietan Espainiako se-

lekzioak badu urrezko domina eskuratzeko parada.

Paletan, Kuba eta Espainiak edukiko dute elkarren aurka urrezko domina lortzeko borroka, eguerdiko hamabitan hasiko den partiduan. Aldez aurretik, zilarrezko dominaren alde ariko dira Mexiko eta Frantziako selekzioak, goizeko hamarretan hasiko den partiduan.

Eskuz banaka, finala, ordu batean hasiko da eta Espainia eta Frantziako selekzioak jarriko dituzte aurre. Zilarrezko dominaren eskuratzeko partidua berriz, goizeko hamarretan hasiko da eta Mexiko eta Kubako selekzioak ariko dira bere alde.